

REMITIDO

Ta di comprende cu Sr. Benny Nisbet falta hopi experiencia ariba e tereno politico y ta lubida y pa refresca su memoria pa loque ta trata historia di su partido. Esaki ta debi tambe cu tin hopi politiconan prominente di P.P.A. a bandona e partido y cu seguramente por a pone Sr. Nisbet na su lugar, pa asina e no sigui comete bagamunderia.

Sr. Nisbet exclusivamente den varios ocasion a demonstra su antipatia contra e Pueblo di Aruba, sabiendo cu e comunidad aki tin un amor grandi pa su libertad. No ta cuestion di awor, pero ta algo di añanan.

Na comienso di añanan '70 Hulanda a bisa bon cla cu tur su colonianan mester bira independiente, e tempo ey P.P.A. tabata e partido cu tabata goza di e mayoria na Aruba y tambe uno hopi poderoso den Gobierno Central.

A bin diferente conferencianan cumbre pa discuti e forma, e aña y e fecha pa e posibel Independencia di e paisnan cu e tempo ey tabata forma parti di Reino Hulandes. Suriname a opta pa bira independiente dia 25 di November 1975, mientras cu Antiyas tabata desea esaki na 1978.

Tabata na momento cu a bin cu e cuestion di one man, one vote cu e partido M.E.P., dirigi pa Sr. Betico Croes cu a protesta y opta pa un Status Aparte pa Aruba. P.P.A. como partido di mas grandi a keta keto y tabata cla, pa acepta un Independencia pa Antiyas cu Aruba formando parti di e federacion di 6 isla, den cual Aruba jamas por dicidei pa su mes. P.P.A. e tempo ey no tabata tin miedo di Independencia y tabata cla pa acepta esaki sin cu Antiyas a haya siguiiera algun añanan, fase transitorio, pa prepara su mes.

Antiyas Hulandes mester

ta contento, cu gracias na M.E.P., cu awe, nan no ta dia bieuw independiente, anto sin cu tabata tin tempo pa a prepara.

Aruba, despues cu Hulanda a nengue su Status Aparte sin cu e ta mara na Independencia, a vota pa añanan largo pa su deseo ser cumpli y aki no ta trata di e deseo di Sr. Betico Croes so, pero di e henter e pueblo di Aruba. Pesey ora Sr. Nisbet, Mr. Frans di P.A.S. y algun medianan di comunicacion ta ofende e Status Aparte/ Independencia di Aruba no ta Sr. Betico Croes so nan ta haci daño, pero henter e comunidad di Aruba.

Un cos ta sigur awor, o despues Antiyas completo lo haya su Independencia y como politiconan responsabel nos ta contento cu Aruba si a cuminsa prepara su mes y lo no haye den un situacion preta.

Sr. Nisbet ta lubida cu P.P.A. si kier a hinka Aruba den un Independencia sin preparacion, anto formando parti di Antiyas Hulandes. E impresion cu Pueblo di Aruba tin atrobe di Sr. Nisbet y P.P.A. ta, cu nan kier bolbe hunga e wega aki cu Aruba.

M.E.P. en todo caso tin 10 aña, despues di e Status Aparte di Aruba, pa prepara su independencia y hasta a percura pa un mocion den tweede kamer cu ta papia di

un conferencia di evaluacion prome cu 1996.

Tur hende conciente por imagina nan mes cu jamas Hulanda lo forsa ni Antiyas ni Aruba den un Independencia sin su debido preparacion pa no sosode mescos cu Suriname na unda Hulanda a keda malo den bista di henter mundo.

Sr. Nisbet nos ta spera cu lo bo siña di bo errorman y cu M.E.P. jamas lo hinka Aruba den un Independencia sin preparacion, manera bo partido kier a haci cu Aruba y Antiyas den añanan 70.

Pueblo di Aruba a tuma declaracion di Sr. Nisbet na malo, esta cu e lo vota contra e cambio di Statuut, mostrando asina cu P.P.A. ta contra Status Aparte/Independencia di Aruba. P.P.A. kier pa Aruba keda den un federacion.

Sr. Nisbet abo y P.P.A. a bolbe comete un error gravissimo y pueblo lo duna bosc e castigo mereci durante e eleccion venidero.

M.E.P. ta extende palabranan di sincero felicitacion na e pueblo di Aruba pa e exito di e logro na Hulanda.

Encuanto e comunicado di parti secretario general di P.P.A. Sr. Dolfi Jansen cu P.P.A. ta un partido cu no tin miedo di Betico ni di M.E.P. mi mester bisa cu no ta di Betico ni di M.E.P. boso partido mester tin miedo, pero mas bien di e pueblo, como

P.P.A. TA CONTRA STATUS APARTE DI ARUBA

cu votando contra e mocion den Eilandsraad pa cambio di e statuut boso a vota contra e deseo di e mayoria di e pueblo contro e deseo e anhelo cu pueblo ya pa hopi añas ta luchando pe. Y esaki una vez mas ta demostra claramente cu P.P.A. semper a boga pa Aruba keda esclaviza den un federacion, pero gracias a Dios cu e pueblo ta conciente y hamas lo por deposita su confianza den P.P.A.

Y caminda cu Dolfi ta haci e pregunta cu si Betico lo ta mas Arubiano cu Pedro Bislip lo mi bisa lo siguiente cu

Arubiano mas cu Pedro quizas no, pero mucho mas Arubiano cu Benny Nisbet cu ta lider di P.P.A. I ademas mi mester bisa serca, con porfin Arubiano naci di Mama y Tata aki na Aruba y ta contra e deseo pa su patria (Aruba) por realisa su libertad su anhelo di por ta baas den su mes cas. Gracias a Dios cu ta solamente un memoria chiquito ta pensa di tal forma, mente mezquino, cu nunca lo por desarolla den mayoria. Sr. Redactor danki pa bo espacio y hasta pronto.

Armando Croes

GRADICIMENTO

Na number di su yiunan, rumannan y demas famia, nos kier a gradici na tur esnan cu di un of otro manera a muestra nan atencion na ora di enfermedad, morto y entiero di nos querido difunto

Sr. DIEGO MADURO

Gradicimento ta bai na staf y personal di St. Michael Paviljoen y na tur esnan cu a manda flor, krans y telegram. Na Agencia Funeraria Del Pueblo pa nan bon servicio y alaves nos ta invita pa tres Santo Sacrificio di Misa cual lo tuma lugar dia 8, 10 y 12 di juli pa 7'or di anochi na misa Inmaculada Concepcion na Sta. Cruz. Cu boso presencia y atencion lo keda semper den nos memoria.



La Hoja Funeralhome ta participa fallecimiento di **DOMINICO BERNARDO FIGAROA (BEN)**

Cu honda pena y conforme cu voluntad di Dios nos ta anuncia morto di nos inolvidable tata, welo, bisawelo, ruman, cuña y suegro

DOMINICO BERNARDO FIGAROA

mihor conoci como BEN

Su juinan;
Hose y Maria Figaroa-Figaroa y juinan Bernadeta y Dai Eduardo-Figaroa y juinan Dodo y Carmen Figaroa-Ruiz y juinan Frans y Viola Figaroa-Frank y juinan Soeur Enrica Figaroa y soeurnan di Imelda Hof Guillermo y Berta Figaroa-Vries y juinan Hyacintho y Paulita Kelly -Farro y juinan Su ruman; Lina Ruiz-Figaroa Su cuñanan; Ninchi, Juana y Agatha Su compañeronan di Huize Maristella

Demas famia, amigonan, conóciran ta invita pa e acto di entiero cual lo tuma lugar diasabra dia 6 juli pa 4'or atardi saliendo for di iglesia Sta. Ana na Noord pa santana catolico na Noord. Restonan mortal lo ta for di 2'or den iglesia Sta. Ana na Noord.



INVITACION

Na number di su esposo, yiunan y demas famia, kier a haci un invitacion pa un Santo Sacrificio di Misa pa recorda di ocho dia di fallecimiento di nos difunto stima:

Presentacion Maria Flanegin Maduro (CHICHI)

Cual lo tuma lugar Diasabra 6 di juli na misa Inmaculada Concepcion na Santa Cruz pa 7'or di anochi. Despues di misa lo tin dos rosario na cas, Jan Flemming 6-B pa descanso di su alma.

Pa medio di esaki mayornan di e difunto ;

DANILO MARTIN KOOLMAN

Mihor conoci como NILO

Ta invita tur famia, amigo y conóciran pa un Santo Sacrificio di misa pa recorda e di prome aña di fallecimiento tragico di nan jui stima cual lo tuma lugar dia 6 juli, pa 7'or anochi na misa Inmaculada Concepcion na sta. Cruz

Reclamo y Informacion

DIARIO

Yama telefon 26747